

Purtret d'affons

Laos

“A mi plai ei, da passentar nizeivlamein miu temps”

“Miu num ei Mr. Van, miu surnum Jek. Jeu hai 9 onns e sun naschius el vitg Namkae Noi a Laos. Ussa sun jeu ella 4. classa dalla scola elementara. Cura che jeu sun en scola, seconcentreschel jeu, per che jeu audi las explicaziuns dil scolast e sappi aschia emprender bia. Duront mias pausas malegel jeu savens dessegns e termagliel cun amitgs. Suenter scola gidel jeu mes geniturs a lavar la vischala, a perver las andas e las gaglinas e da cuschinar ris. A mi plai ei, da passentar nizeivlamein miu temps. Perquei gaudel jeu era il pescar el flum cun miu bab. Sche jeu pegliel biars pèschs, sun jeu fetg cuntents. Gest tuttina sco da gidar mes geniturs e da luvrar ensemen cun mes amitgs. Duront miu temps liber emprendel jeu e dun bugen ballapei. Jeu hai tschun buns amitgs quei ein Mr. Bounhoueng, Mr. Neng, Mr. Loun e



Miss. Keo. Cu jeu hai vacanzas da scola gidel jeu ils geniturs tier la lavur.

Mia lavur principala per la famiglia consista da tgirar ils camps da ris e la cultivaziun dad ina varietad da legums sco salata, tschaguolas da primavera, coriander, peterschin ed autras sorts tradiziunalas. Cura che mes geniturs han giu l’idea cun igl iert, hai jeu gidau els da preparar la tiara, hai zerclau ed hai construì ina seiv entuorn il toc tiara. Cun igl iert savein nus spargnar bia daners ed havein tuttina adina legums frestgs. Ultra da quei ei nies vitg lunsch naven dalla fiera el marcau e la via che meina el marcau ei en in miserabel stan. Jeu sun leds che mia famiglia sa entras l’atgna produziun da semenza haver agens legums, quei fa la veta per mei e mia famiglia bia pli buna.”